

漢書疏證

漢書疏證卷三十六

吳 沈欽韓撰

王莽傳

布蔽膝

方言蔽邾江淮之間謂之禕或謂之被魏宋南楚之間
謂之大巾自關東西謂之蔽邾齊魯之郊謂之𦘔釋器
衣蔽前謂之襜注今陳祥道禮書劉熙曰𦘔以蔽前婦
人蔽膝亦如之唐志婦人蔽膝皆如其夫按隋志乘輿
及公卿冕服者輒隨裳色玄衣纁裳則爵韞若通天冠
遠遊冠絳紗袍朝服絳紗單衣者並絳紗蔽膝皇后六

服俱絳紗蔽膝然則禮服仍存韎韐之名常服則蔽膝也
明洪武實錄駙馬都尉李祺成昏十日謁帝及中宮行禮後去蔽膝此又似今新婦衣幃方言所云大巾也

置使家中黃門

置專使侯家中黃門爲十日一賜餐事也六典凡宦人無官品者稱內給使杜甫詩云黃門飛鞚不動塵御厨絡繹送八珍正本于此蘇林說非也

解其瑑

攷工記玉人注瑑文飾也說文瑑劍鼻也說苑善說篇襄城君帶玉瑑劍按瑑爲文飾若桓圭信圭之類瑑劍

鼻者卽劍鐔

休稱疾不見

後書卓茂傳休字子泉王莽秉權休去官歸家及莽篡位遣使齎立纁束帛請爲國師遂歐血託病杜門自絕按休之高節賴范書甄明之

母后之義思不出乎門閥

列女傳孟子母曰婦人有閨內之修而無境外之志

中國譏二名

公羊定六年傳曷爲謂之仲孫忌譏二名二名非禮也何休云爲其難諱也

杜預云何忌不言何缺文

按鄭注曲禮云二名

不一一諱孔子之母名徵在言在不稱徵言徵不稱在
正義引異義許慎謹案文武賢臣有散宜生按散宜生國名而爲
氏大戴記堯娶于散宜氏之女慎之此證爲失也蘇忿生則公羊之說非也從
左氏義

正十二女之義

列女傳天子十二諸侯九大夫三士二檀弓注舜但三
妃夏后氏增以三三而九合十二人春秋說云天子取
十二卽夏制也

逢吉之符也

洪範正義馬融云逢大也

則褒紀子稱侯

隱二年見經稱子桓二年稱紀侯何休云稱侯者天子將娶于紀與之奉宗廟傳之無窮重莫大焉故封之百里穀梁解云時王所進按左氏桓二年是杞侯又桓六年傳紀侯來朝請王命以求成于齊公告不能杜預云紀微弱不能自通于天子然紀並無益封大國之事也且逆王后在桓八年而遙于二年褒后父天子議昏乃歷七年而始取甯有是理此魏劉芳所云公羊穀梁近儒小道之書魏書禮志四之三特便漢人飾奸事事吻合宜其誦習四百年也

有司奏故事聘皇后黃金二萬斤

漢官儀皇帝聘皇后黃金萬斤後書梁皇后紀依孝惠
皇后故事聘黃金二萬斤按宋書禮志尙書朱整議漢
高后制聘后黃金二萬斤馬十二匹夫人金五十斤馬
四匹宋志所徵是也王莽梁冀之世盈廷譴謾何所不
至乎

子十一媵家

白虎通王度記曰天子諸侯一娶九女或曰天子娶十
二女法天有十二月萬物必生也釋名姪娣曰媵媵承
也杜預釋例曰古者諸侯之娶適夫人及左右媵各有

姪娣皆同姓之國三人凡九女參骨肉至親所以息陰
訟繼嗣然則他國來送故名左右媵適夫人之姪娣不
稱媵也士昏禮媵御通稱媵

晏平仲不受輔齊之封

晏子雜篇晏子相齊衣十升之布食脫粟之食五卵苔
菜而已左右以告公公爲之封邑使田無宇致臺與無
鹽晏子對曰自太公至于公之身有數十公苟能說其
君以取邑不至公之身趣齊搏以求升士不得容足而
寓焉遂不受

後儉

後乃遂之省釋言遂退也方言月運爲遂韋昭曰遂伏退也廣韻作跋

朝不及夕

楚語鬬且曰成王聞子文之朝不及夕也每朝設脯一束糗一筐以羞子文張晏泛引左傳非也

陷假離朝

假讀如休假服虔說是

標末之功

高誘淮南修務注標讀刀標之標與服虔同則漢謂刀末爲標續輿服志佩刀皆以白珠鮫爲劍口之飾注通

俗文曰刀鋒曰劍

集韻或省作鏢

按鏢乃劍之訛或借也荀子

賦篇賦箴云長其尾而銳其剽注剽末也謂箴之鋒也莊子曰有長而無本剽者宙也剽抄末之意公羊莊十三傳曹子鏢劍何休云鏢辟也鏢劍置地與趙岐孟子注鏢摩也解同非此義也此指衛青之功下文一言之勞方說公孫戎

功亡原者

釋言原再也周官馬質注同言其功有一無二也師古杜撰

六子皆封

六子謂凡蔣邢茅胙祭又坊記注君陳云周公之子伯禽之弟

須產子已殺之

冊府元龜

六百一十一

魏司徒崔浩定律婦人當刑而孕產後

百日乃決唐斷獄律若未產而決者徒二年產訖限未滿而決者徒一年

三公言事稱敢言之

隸釋孔龢碑魯相平等叩頭死罪敢言之司徒司空府此郡國守相上三公則然按後書朱儁傳徐州刺史陶謙等推朱儁爲太師亦稱敢言之令三公同稱漸爲帝

制之階矣

爲學者築舍萬區

御覽

五百三十四

黃圖曰禮小學在公宮之南太學在城南

就陽位也去城七里王莽爲宰衡起靈臺作長門宮

疑當

爲常

南去堤三百步起國學于郭內之西南

按今本黃圖云在長

安西北

爲博士之官寺門北出正于其中央爲射宮門

出殿堂南嚮爲牆選士四射于此中此之外爲博士舍

三十區周環之北之東爲常滿倉倉之北爲槐市但列

槐樹數百行爲隊

藝文類聚作幾

無牆屋諸生朔望會此市各

持其郡所出貨物及經書傳記笙磬樂器相與買賣雍

容揖讓或論議槐下其東爲太學官寺門南出治令丞
吏詰姦宄理詞訟五經博士領弟子員三百六十六經
三十博士弟子萬八百人主事高弟侍講各二十四人
學士同舍行無遠近皆隨檐雨不塗足暑不暴首按今本黃
圖言漢太學參數語諸類書所引亦不詳文獻通考列太學一門亦未之見則此條爲可貴也

平作二句

此依召誥文當爲平漢碑隸體平字平

祝睦碑故易亂

延登請詔之

請當爲親覲禮侯氏降階北面再拜稽首擯者延之曰
升注云從後詔禮曰延延進也漢舊儀拜丞相皇帝延

登親詔之

句履

句卽絢儀禮疏云鄭云狀如刀衣鼻在履頭者此以漢法言之今之履頭見有下鼻似刀衣鼻故以爲況呂覽達鬱篇列精于高衣白縞冠類推之履類推卽下鼻高誘以弊履解之非是

瑒瑒瑒瑒

說文瑒圭尺二寸有瓚以祠宗廟者也非刀飾詩傳天子玉瑒而瑒瑒諸侯瑒瑒而瑒瑒按爾雅釋器黃金謂之瑒其美者謂之鏐是諸侯飾刀上下純用金也漢制

則天子諸侯王並用黃金爲飾續志諸侯王黃金錯環

挾半此文誤作瑒

說文與詩傳爾雅同

孟康以玉解之非也

通子午道

元和志子午關在長安縣南百里王莽通子午道因置

此關長安志子午鎮去縣南四十里以南山子午谷爲

名

後書安帝元初二年罷子午道

鮮水海允谷鹽池

北山經北鮮之山鮮水出焉卽地理志金城郡臨羌縣

塞外之僊海鹽池也宋書吐谷渾傳屈眞川有鹽池魏

書吐谷渾傳青海周回千餘里水蜀記西海

西鮮一名聲同

卑禾羌海一名青海方輿紀要大允谷在西寧衛西青海旁漢時湟中羌燒當累世居河北大允谷西海在衛西三百餘里一名青海

假王莅政

書序唐叔得禾異畝同穎獻諸天子王命唐叔歸周公

于東

史記周本紀作歸周公于兵所作

歸禾周公既得命禾旅天子之

命作嘉禾

疏引鄭云受王歸已禾之命與其禾

此周公居于東未攝政時

假王者猶祖己曰惟先格王說文假至也虞書曰假于

上下

五行志孔光傳許皇后傳後書律歷志皆作假商頌箋同惠棟曰假讀爲格正也

豈得言

假號之王乎

晨夜屑屑

方言迹迹屑屑不安也後書王良傳何其往來屑屑不
憚煩也

拂其頸衡其匈刃其軀切其肌

唐書酷吏傳郭霸于則天前自陳忠鯁云往年征徐敬
業臣願抽其筋食其肉飲其血絕其髓則天悅拜監御
史時人號爲四其御史與此四其正同

如天子弔諸侯服

前引喪服庶子爲後爲其母總是強擠其母爲妾不知
漢非莽之大宗也此據周官司服王爲諸侯總衰強以

其貴壓母不知正統之親非諸侯可比也此奏成于劉歆手中陳咸云三綱絕者當在是矣

平原安德潞陰鬲重丘

一統志平原故城在今濟南府平原縣南安德故城今陵縣治潞陰故城在臨邑縣西鬲縣故城在德州北重邱故城在德州東

大贅官

立政綴衣傳云掌衣服

按顧命出綴衣于庭傳云帷帳下云狄設黼辰綴衣連文傳謂

帷帳者是

古文苑揚雄雍州牧箴牧臣司雍敢告贅衣崔瑗

北軍中侯箴贅衣近侍常伯之人公羊襄十六年傳君

若贅旒然鄭取以解商頌綴旒則綴贅通用師古解爲贅聚謬甚

上都橋時

都當爲郡元和志寧州真寧縣本漢陽周縣地屬上郡子午山亦曰橋山在縣東八十里黃帝陵在山上

剛卯

說文殺改大剛卯也

集韻引殺改大剛以逐鬼也

以逐精鬼韓詩外

傳十桓公出遊遇一丈夫衰衣應步帶著桃爰桓公怪而問之曰是名二桃桃之爲言亡也而亡國之杜以戒諸侯庶人之戒在于桃爰桓公說其言與之其載來年

正月庶人皆佩按當是佩剛卯之始也剛卯文云靈爰
疑卽桃爰又云庶疫剛瘡與瘡同爾雅釋文孫炎云瘡
疫病也續志以爲雙印蓋剛卯佩兩也長寸二分方六
分乘輿諸侯王公侯以白玉其下以黑犀象牙馬永卿
關中王君求家有古物似玉長短廣狹正有中指上有
四字非篆非隸士二字乃正月也以下二字不可認問
之云前漢剛卯字高似孫緯畧陳簡齋以玉剛卯壽向薌林
起兵于其國

一統志徐鄉故城在登州府黃縣西南五十里
至長廣死

一統志長廣故城在登州府萊陽縣東寰宇記縣東五

十里

至畧賣人妻子

方言就室曰摽於道曰畧畧強取按襄四年傳匠慶請
木季孫曰畧注不以道取曰畧

文宣之世黃龍見于成紀

新都按文帝紀十五年黃龍見于成紀宣帝紀甘露元
年黃龍見新豐令莽符命稱文宣之世則言成紀者屬
文帝言新都者屬宣帝又宣紀黃龍元年不言龍見師
古引漢注則云此年二月黃龍見廣漢郡地理志廣漢
郡有新都縣則莽所指新都矣成都府志故城在今新

都縣東二里

三能文馬

三能未詳晉灼所引有脫誤按說文云馮馬赤鬣縞身
目若黃金名曰馮吉皇之乘周文王時犬戎獻之西伯
獻紂以全其身藝文類聚九十六韜曰商王拘周伯昌

于羨里太公與散宜生以金千鎰得犬戎文馬豪毛朱

鬣目如黃金名鷄斯之乘以獻商王

書大傳作駮身朱鬣雞目按左傳文

馬百駮杜云畫馬爲文又宋公取公子地白馬朱其尾鬣以與向魃此卽仿馮馬之制故亦號文馬

繞雷之固

長安志絳坡在藍田縣東南通典七盤十二絳藍關之

險路也注中綽訛爲繞

寰宇記商州引此注文不誤

士喪禮注綽屈

也水經注濡水篇廬龍之險峻阪縈折故有九綽之名亦取之爲號矣

羊頸之阨

元和志羊頭山在潞州長子縣東五十六里後漢安帝時羌寇河東以任尙爲御史擊破之于羊頭山謂此

堂威侯王奇

下云掌威于左堂字誤

函谷批難

五行傳批之于六沴鄭云批推也賈子輔佐批天下之

患

汧隴之阻

元和志畹山在隴州汧源縣西六十里隴山在汧縣西
六十二里明統志在隴州西北六十里接秦州清水縣
界

成固據守

水經注渭水東厯上邽縣北邽山之陰流逕固嶺東北
疑彼文脫一成字非漢中之成固縣也一統志邽山在
秦州西北

自稱廢漢大將軍

顧炎武曰自稱漢大將軍也下文亡漢將軍同此意自莽言謂之廢漢亡漢耳

爲賓食

尚書大傳始奏肆夏納以教成舜爲賓客而禹爲主人樂正進贊曰尚攷太室之義唐爲虞賓至今按此賓食之義也何焯云高祖自爲張耳食客久未嘗此雖工譌笑未審其義也

天帝除書

唐宋謂之除目杜甫集秦州見除目畢曜除監察御史其循例遷換亦曰

熟除

六一居士集得熟除以張奎替知滁州

東通靈將五司大夫

東通靈將蓋五威將職東方者五司大夫卽前司恭等
大夫此似五斗米道符籙中結銜莽之妖妄其事當然
劉奉世疑其訛未審也

皆驛車載其屍傳致云

大荒西經壽麻之國有人無首操戈盾立名曰夏耕之
尸故成湯伐桀于章山克之斬耕厥前耕旣立無首走
厥咎乃降于巫山又御覽七百九十六外國圖曰無首民乃
與帝爭神爭斬其首放之北野以乳爲目臍爲口去玉
門三萬里莽殆見此類而效之今俗亦有殺頭復充軍
之語

蹙頞

方言頷頞頷也注謂頷車也果堂徵君釋骨云頷說文

作頷與頞同訓頞蓋從口內言之若從口外言則兩旁

為頷頷前為頞不容相假故內經無通稱者按氣穴論頷曲牙二

穴一名大迎二穴曲頷前一寸三分皆頷車處也又經脈論唇內鄉為斷交穴唇稜下為承漿穴則正頞處

大聲而嘶

方言聲散曰嘶說文嘶散聲也徐鍇以馬鳴聲為嘶嘶

嘶通用

以鼈裝衣

爾雅釋言鼈屬也邢疏舍人云鼈所謂毛屬也胡人續

羊毛而作衣尙書正義引孫炎云毛鼈爲黝然則以鼈
裝衣亦以璫褐爲著耳豈謂長毛強曲使衣張起顏之
解不亦妄乎

并州平州

平州蓋莽分幽州所志魏志公孫度自立爲遼西侯平
州牧本此或以爲西河之縣在并州部內故云并州平
州若僅一縣流亡豈足以概莽之亂

池陽縣有小人景

管子水地篇涸澤數百歲谷之不徙水之不絕者生慶
忌其狀若人其長四寸黃衣黃冠乘小馬呼之可使干

里一日反報

唐書五行志神龍二年長安街中往往見水影昔符堅之將死長安嘗有是

輒先搜索城中

按莽出當搜索則官吏入宮殿者亦當露索也漢儀三

公領兵入見令虎賁執刃挾之

見後書伏后紀三唐猶國志魏武紀注

然唐書王及善傳除右千牛衛將軍高宗謂曰朕以卿

忠謹故與卿三品要職他人非搜辟不得至朕所卿佩

大橫刀在側知此官貴否文昌雜錄元相

微之

詩松門

侍制應全遠藥樹監搜可得知唐時殿門外有藥樹監

察御史搜之位在焉唐制百官入宮殿門必搜御史掌

之太和中乃下詔宰臣奏事停其監搜

橫搜

鄭注樂記橫充也釋言桃大也

疏云孫叔然本作光尚書疏引釋言亦作光

虞書光被四表莽傳及後書安帝詔

馮異傳

俱作橫被

水經

注長安北出西頭第一門本名橫門如淳曰音光故曰光門按光充皆大之通訓

此橫摻乃大

摻耳拈徧九州說文拈捫持也朱翽音噴模反玉篇拈卜路切相持也此蓋借爲數字廣雅拈布也

子男一則

大宗伯職注鄭司農云則者法也出爲子男鄭謂則地未成國之名方三百里以上爲成國王莽時以二十五成爲則方五十里合今俗說子男之地獨劉子駿等識

古有此制焉按鄭所指則王莽不用周禮之制也周書作雘解苴以白茅以爲土封受則土於周室

觀晉掌歲

晉灼云晉文公以卯出酉入按晉語董因對文公曰歲在大梁將集天行元年始受實沈之星也實沈之虛晉人是居所以興也君之行也歲在大火大火閼伯之星也是謂大辰

章昭云魯僖二十三年歲星在大梁之次公以辰出而以參入元年謂文公卽位之

年魯僖二十四年歲星在實沈按大火于辰在卯大梁於辰在酉故晉

灼云卯出酉入也錢大昕以觀晉二卦名易稽覽圖有

主歲卦後書蘇堯傳今年比卦部歲

廣韻棣字注云又姓王莽司馬棣並元和姓纂又作杕
云王莽大司馬杕並見姓苑棣杕聲同而異作逌者風
俗通云漢有大司空逌並廣韻又引之山左金石志魯
峻碑有定陶棣真

方言僉宋魏之間謂之攝郭云今連枷所以打穀者又云爰自關而西或謂之拂按此則枷是打禾麥牀拂是擊橐之杖今田家于牀打不盡者復以竹片削其餘穀名其二物也齊語耒耜枷芟韋昭云枷拂也說文拂擊

禾連柳也又柳拂也廣雅拂謂之柳則混言之

以利苗男訢爲大司馬

按訢上脫苗字

從吏過例

冊府元龜

六十

唐文宗太和六年右僕射王涯奏准六

典及禮部式諸文武赴朝諸府遵從職事一品及開府

儀同三司驃騎大將軍

此宦官
帖職

聽七騎二品及特進五

騎三品及散官三騎四品五品兩騎六品以下一騎按

漢時公卿皆從吏屬入殿蓋辟召者皆選也唐宋清要

不過朱衣雙引耳

莽爲選置和叔

莽置國將主北嶽和叔亦朔朔方爲國將之副後有太師義仲景尙太傅義叔士孫喜國師和仲曹放知四輔屬官皆依虞書置之

爲六隊郡

劉奉世云河南當爲滎陽莽所分六隊之一也下文自有河南大尹更爲保忠信卿按傳無析置滎陽郡事則莽改河南後復分爲滎陽郡又名祈隊史總敘省文耳
昏以戊寅之旬爲忌日

何焯曰莽自以土德故改戊子爲六旬首戊寅支尅幹

故爲忌日

爲姦寢事

說文寢病卧也按會意病卧則事廢故事不行謂之寢
十縷布

說文綜機縷也按字通爲縷總玉篇縷縷也晏子雜下
篇十總之布一豆之食足于中免矣西京雜記五絲爲

縷倍縷爲升盧文弨云古亦以八十縷爲升今云倍升

爲紕埤雅紕作紕倍紕爲縷倍縷爲縷

有五郡

六卿及前七部之誤劉攽所言是矣上云合百二十五

郡四輔保百郡此未至二十五郡故劉疑字有誤也五郡當是八郡之訛

越嶲遂久

一統志遂久廢縣在寧遠府鹽源縣西

文石之平

後書西都賦左城右平注引決疑要注曰城者爲階級文者以文磚相亞次也

陳菁茅四色之士

管子輕重丁江淮之間一茅三脊名曰菁茅故書疏引鄭注菁茅茅之有毛刺者顏籀但據此傳知菁茅爲一

物不亦鄙乎

偽孔傳以菁茅爲二物

李時珍本草香茅一名菁茅

一名菁茅生湖南及江淮間葉有三脊其氣香芬可以包藉及縮酒則此菁茅也周書作洛乃建大社于周中其壇東青土南赤土西白土北驪土中央疊以黃土將建諸侯鑿取其方一面之土燹以黃土苴以白茅以爲上封故曰受列土于周室按作雒則方色土上皆冒黃土偽孔傳大畧亦同師古見此云四色之土遂謂黃土不封并孔傳亦未解讀

會稽長州

元和志長洲苑在蘇州長州縣西南七十里

鑄作威斗

南史何承天傳張永嘗開玄武湖遇古冢冢上得一銅斗有柄文帝以訪朝士承天曰此亡新威斗王莽三公亡皆賜之一在冢外一在冢內時三公居江左者惟甄邯爲大司徒必邯之墓俄而永又啓冢內更得一斗復有一石銘大司徒甄邯之墓按莽篡位以太保後承甄邯爲大司馬建國三年邯死鑄威斗在天鳳四年承天言官位年不符恐涉傳會

魏志甄皇后傳中山無極人漢太保甄邯後寰宇記甄邯

墳在無極縣西南三十五里

以五石銅爲之

抱朴子登涉篇金簡記云以五月丙子日中時鑄五石
下其銅五石雄黃丹砂雌黃礬石曾青也皆粉之以金
華池浴之內六一神爐中鼓下之以桂木燒爲之銅成
以剛炭鍊之令童男童女進火取牝銅以爲雄劒取牡
銅以爲雌劒各長五寸五分取土之數以厭水精

號曰赤星

熒惑司罰故以號司命之官

太一黃帝

鵬冠子泰鴻篇泰一者執大同之制調泰鴻之氣正神
明之位

張樂崐崙虔山之上

穆天子傳吉日辛酉天子升于崑崙之丘以觀黃帝之宮山海經黃帝取崑崙之玉榮投之鍾山之陽虔或崑之訛也

麟韋之弁

說文麟大牡鹿也詩正義陸璣疏云并州界有麟大小如鹿非瑞應麟也

度水不用舟楫

六韜軍用篇渡溝塹飛橋一間廣一丈五尺長二丈以上著轉關轆轤八具渡大水飛江廣一丈五尺長二丈

以上八具天浮鐵螳螂矩內圓外徑四尺以上環絡自

副三十二具以天浮張飛江濟大海謂之天黃一名天

舩

按太白陰經水具篇又有木鬻槍筏浮囊渡水之法

服食藥物三軍不飢

博物志左慈荒年法用大豆粒細調勻者生熟按令光

徹煖豆內先日不食以冷水頓服訖一切魚肉果菜不

得復經口渴卽飲冷水初小因十數日後體力壯健不

復思食也

王氏農書辟穀仙方用大豆五斗淘淨蒸三遍去皮用大麻子三斗浸一宿亦蒸三遍令

口閉取仁各搗爲末圓如拳大入甑蒸從戌至子時止寅時出饒午時晒乾爲末服之以飽爲度不得食一切物第一頓得七日不飢第二頓得四十九日不飢第三頓得三百日不飢第四頓得二千四百日不飢更不必

服永不
飢也

頭與身皆著毛

宋書符瑞志舜父母憎舜使其塗廩自下焚之舜服鳥
工衣飛去

蓬萊東南五城西北

元和志登州蓬萊縣漢武帝于此望蓬萊山因築城以
蓬萊名又大人故城在黃縣東北二十里此因巨毋霸
名傳也

建華蓋立斗獻

崔豹古今注黃帝與蚩尤戰于涿鹿之野常有五色雲

漢書地理志卷三十一
三
氣金枝玉葉止于帝上有花葩之象故因而作華蓋又
繹史玄女兵法云王母命九天玄女授帝以三宮五音
陰陽之畧太乙遁甲六壬步斗之術陰符之機靈寶五
符五勝之文遂克蚩尤于冀按獻與憲同師古音犧非
也

當百

當疑是常拾遺記黃帝使風后負書常伯按劍崔瑗北
軍中侯箴以常伯爲將帥所總領也或是都伯之類

乘輿虎文衣

續志虎賁武騎皆鶡冠虎文單衣襄邑歲獻織成虎文

蓋送大行者皆藏陵寢也東觀記縣三老上殿欲觀上衣因舉虎頭衣以畏三老

波水之北郎池之南

黃圖波池郎池皆在故城南上林苑中波郎二水名因

爲池晉灼云在甘泉苑中故誤

師古注訛古城爲石城

按池上有

郎池觀

金水之南明堂之西

水經注霸水又北會兩川又北故渠右出焉霸水又北逕王莽九廟南又云昆明故渠東逕池陂北又東合沔水亦曰漕渠又東逕長安縣南東逕明堂南按諸書俱

不著金水推其地望疑卽昆明渠也黃圖漢明堂在長安西南七里

以望法度筭

周體筭經商高曰平矩以正繩偃矩以望高覆矩以測深卧矩以知遠海島筭經今有登山望樓樓上平地偃矩山上令句高六尺從句端斜望樓足入下股一丈二尺又設重矩于上令其間相去三丈更從句端斜望樓足入上股一丈一尺四寸又立小表于入股之會復從句端斜望岑端入小表八寸問樓高幾何答曰八丈術曰上下股相減餘爲法置矩間以下股乘之如句高而

一所得以入小表乘之爲實實如法而一卽是樓高戴句股割圓記爲矩以準望凡百分以矩之百分爲圓半徑自一隅規之其隅設垂綫載一矩之規或半弧背者二弧外之句謂之矩分引徑隅爲弦謂之徑引數股適圓半徑也次弧外之股謂之次矩分弦謂之次引數句適圓半徑也規法九十有六限限四之一矩之規其限二十有四爲立成以起筭

包陽大臺

包陽無攷黃圖白楊觀在昆明池東大臺在上林苑中犬訛爲大

乘牡馬柴車

韓非外儲下孫叔敖相楚棧車牡馬糲餅菜羹枯魚之膳

緒幡

方言褊褊謂之襪郭云卽屨也說文幡書兒拭觚布

也

徐鍇曰晉人云不見酒家幡布韓非外儲左上衛人

有佐弋者鳥至因先以其褊摩之鳥驚而不射也今人

但知幡爲旗幡矣

武功中水鄉

長安志武功縣唐十四鄉有中水鄉餘不傳陂池在縣

北二十里義門鄉

賜魂衣璽紋

說文縗鬼衣也玉篇縗袂並鬼衣疑鬼當爲魂周禮司

服大喪其奠衣服鄭云今坐上魂衣也

疏守祧職云遺衣服藏焉鄭云

大斂之餘也至祭祀之時則出而陳于坐上愚謂以此傳証之蓋如後世魂帛象人形設靈床上者釋史

八十

六王肅喪服要記魯哀公祖載其父孔子曰寧設魂

衣乎公曰魂衣起宛荆宛荆于山下道逢寒死

按御覽列士傳

伯桃

羊角哀迎其屍恐神之寒故作魂衣云云肅之所

言未可信也

黃帝以百二十女致神僊

王欽若先天紀黃帝受修道養生之法于玄女素女受

房中之術能御三百女雲笈七籤王屋真人陰丹秘訣

云陽丹可以上昇陰丹可以駐壽陽丹者還丹也陰丹

者還精之術也訣曰不敢爲主而爲客此借道經以說其事也夫先舉者爲主後主者爲客主者先施惠于人也客者受施于人也彭祖曰陰養陽精命可長生夫以陽爲主陰爲客婦以陰爲主陽爲客以客助主主當安矣經曰欲求此生無極陰戶初開別消息夫陰門初開必有血候初正媵理始通此時陰陽相感者將有孕也于此時要在勿洩自古道者皆言施之人則生子存之于己則生身此法尤在春初一感延十二歲十二歲者天地一周也頻十感而延一百二十歲此軒轅上昇之道

莽寢長樂宮銅人

史記正義三輔舊事云聚天下兵器鑄銅人十二各重

二十四萬斤漢世在長樂宮門

水經注後董卓毀其九為錢其在者三魏明欲

徙之洛陽重不可勝停霸水西石虎取置鄴宮苻堅又徙之長安毀二為錢其一未至而堅亂百姓推置陝北

中河

桃湯赭鞭

釋史王肅要記孔子語魯哀公曰寧設三桃湯乎公曰

桃湯起于衛女嫁楚道聞夫死因進到夫家治三桃湯

以沐死者搜神記神農以赭鞭鞭百艸

駕六馬力士三百人

宋史輿服志玉輅前轅木三鱗體昂首龍形轅木上策兩橫竿在前者名曰鳳轅馬負之以行次曰推轅班直推之以助馬力橫于轅後者名曰壓轅駕青馬六馬青綰裹索引之駕士二百三十二人

此似輓車

既夕注載柩車周禮謂之蜃車遂師注蜃車柩路四輪迫地而行有似乎蜃因取名焉

疏云以二軸而貫四輪

然喪車乃

四輪故云似輓車

能說經博以八投

隋經籍志有太一博法雙博法或以六棊或以八棊所

未詳

未賜虎符而擅發兵

唐律疏議依令差兵十人以上並須銅魚勅書勘同始合差發若急須兵處準程不得奏聞者聽便差發卽須言上若無緊急又不先言上輒擅發千人絞

都匠

宋書禮志圖像都匠行水中郎將等銀印青綬柳宗元梓人傳梓人今謂之都料匠

三皇家春

至

五伯象冬

拾遺記太昊以木德王故曰春皇管子兵發明一者皇

察道者帝通德者王謀得兵勝者霸御覽

七十

孝經鉤

命決曰三皇步五帝驟三王馳五伯驚又風俗通曰三皇結繩五帝畫象三王肉刑五霸黠巧此言步驟稍有

優劣也

是爲泣軍

御覽

三百二十八

六韜曰雨霑衣裳者謂之潤兵不霑者謂

之泣兵

又十

魏武兵書按要曰大軍將行雨霑衣冠是

謂灑兵其師有慶大將始行雨薄不濡衣冠是謂天泣其將大凶其卒敗亡按此傳云天大雨霑衣則與兵書言不符

是王光上戊之六年也

王光不可通當爲天元之訛素問天元紀大論日應天爲天符承歲爲歲直三合爲治王砭云木運臨卯丁卯歲也火運臨午戊午歲也土運臨四季甲辰甲戌己丑己未歲也金運臨酉乙酉歲也水運臨子丙子歲也丙戌午己丑己未乙酉又爲太一天符卽三合爲治之謂馬蒔曰陽年曰同天符陰年曰同歲會故六十年中太一天符四年天符十二年歲會八年續律歷志云虞帝歷元用戊午按此云上戊六年者當時戊子年時爲建武四年然上云地皇三十年當爲十三年也容齋隨筆云韓莊敏緝一銅斗銘云新始建國天鳳上

戊六年又紹興中郭金州得一鉦銘云新始建國地皇上戊二年則知莽紀年皆以戊不必循常歲干支之次也

莽使中黃門王業領長安市買

按唐德宗宮市之前先有此事

中黃直爲將破殺蚩尤

御覽

三百二十九

玄女兵法曰黃帝攻蚩尤三年城不下得

術士伍骨

路史後紀作伍胥

問之骨曰是城中之將白色商音

帝之始攻得無以秋之東方行乎令帝爲蒼色角音此雄軍也以戰爲之黃帝曰善爲之若何請攻三日城必

下其中黃直曰帝積三年而攻不下何三日也曰不如
言以罪法論乃設五旗五軍已具四面攻之三日城果
下按中黃直之名僅見于此抱朴子適東岱而奉中黃
又云西見中黃子受九加
之方路史注云中黃
丈人非此中黃直

宿霸昌廐

史記正義括地志云漢霸昌廐在雍州萬年縣東北三
十八里

喪其齊斧

御覽

七百六十三

志林曰齊當爲齋凡師出必齋戒入廟受

斧故云齋也按釋言劑翦齊也郭云南方人呼剪刀爲

劑刀說文翦齊斷也齊斧之字義取斬斷虞喜言齋戒
非也錢坫十經通正書曰易資斧子夏作齊斧攷工記通四方之珍異以資之注故書資作齊是資與齊也

旌旗表識

春官司常注徽識所以題別旌旗之細也隋書禮儀志
諸軍各以帛爲帶長尺五寸濶二寸題其軍號名爲軍
記帶尉繚子經卒令篇左軍蒼旗卒戴蒼羽右軍白旗
卒戴白羽中軍黃旗卒戴黃羽卒有伍章前一行蒼章
次二行赤章次三行黃章次四行白章次五行黑章次
以經卒亡章者有誅前一五行置章於首次二五行置

章於項次三五行置章於胸次四五行置章於腹次五五行置章於腰此表識之法尉繚最詳矣

禮曰承天之慶萬福無疆

士冠禮三醺辭惟萬字爲異

圍城爲之闕

周書大武解城高難平湮之以土開之以走路曹操注軍爭篇司馬法曰圍其三面闕其一面所以示生路也道士西門君惠

初學記二十樓觀本紀曰周穆王尙神仙因尹真人草制樓觀遂召幽逸之人置爲道士又曰平王東遷洛邑

又置道士七人漢明年永平五年置三十七人御覽六百

六十太霄經曰人行大道謂之道士又七百新論曰曲六十

陽侯王根迎方士西門君惠從其學養生却老之術

啗鰓魚

御覽九百三十八陳思王求祭先帝表曰先帝喜食鰓魚已

表徐州臧霸送鰓魚二百足以供事按莽操嗜好亦相

類

滅發火

發當為廢玉海門天文馬融尚書注有命火殺土伐木危

水剽金之語

起兵南鄉

一統志南鄉故城在南陽府淅川縣東南本漢淅縣及順陽鄉地後漢建武中置縣

成紀

屬天水郡阿顏誤指隴西

屯鄠亭備武關

水經注文潁曰武關在祈縣西百七十里弘農界也明志鄠州內鄉縣西有武關路出陝西商州鄠亭當在縣西北界

至華陰回谿

元和志回谿俗名廻坑在河南府永寧縣東北三十六里然去華陰絕遠疑華陰別有廻谿也

乘堆挑戰

方輿紀要風陵堆在華州潼關衛城東三里黃河北岸又蒲城縣東五十里稍南有木履塹四在沮水岸側相傳禹治水奔屨于此泥積成塹各周二里崇百尺非此地也

從閩鄉南出棗街作姑

一統志棗鄉峪在陝州閩鄉縣西南六十里中山經陽華之山緡姑之水出于其陰東北流注于門水之經注

右水出陽華之陽東北流逕盛牆亭東北與左水合卽山海經所謂緡姑之水方輿紀要籍姑城括地志在韓城縣北三十五里史記秦靈公十二年城籍姑作藉聲同

保京師倉

方輿紀要永豐倉在華州華陰縣東北或曰卽渭口倉也本漢置倉之地按水經注小赤水卽山海經之灌水也灌水又北注于渭一統志小赤水在華州西卽師古所云灌北渭口也

與莽波水將軍戰

寶融爲波水將軍見後書

天文郎按拭於前

拭當爲式春官太史抱天時與太師同車鄭司農云太史主抱式以知天時唐六典太卜令用式之法其局以楓木爲天棗心爲地刻十二辰下布十二辰以加占爲常以月將加卜時視日辰陰陽以立四謀按今六壬及地師並用式

故大行治禮

續志鴻臚大行令主治郎四十七人

就識斬莽首

東觀記杜虞殺莽于漸臺東海公賓就得其首傳詣宛封滑侯

軍人分裂莽身

徐陵集與楊僕射書曰四豕分豕尤千刀割王莽所謂齧切千段也

申屠建

東觀記作申屠志

九江連率賈萌

寰宇記

吉州安福縣下

輿地志云豫章太守賈萌與安成侯張

普興兵誅王莽普乃背約誚莽自陳萌遂伐普於新茨

之野按水經注贛水又逕豫章郡北爲津步步有故守

賈萌廟萌與安成侯張普爭地爲普所害卽日靈見津

渚故民爲立廟

寰宇記洪州南昌縣龍沙廟卽西漢末太守賈萌也萌與安成侯張普共謀誅

王莽普反告王莽收萌而殺之時人感歎故爲立廟以祭

全祖望曰御覽引謝承後

漢書謂是討莽而死又引安成記謂爭地而死王莽傳

則是爲莽九江太守拒漢而死其亦異矣豈同時先後

之間有二賈萌又皆爲南州牧守耶

炕龍絕氣

易釋文子夏傳亢極也此以炕爲亢釋木守宮槐葉晝聶宵炕齊民要術引孫炎云炕張也

紫色蠅聲

家訓書證篇謂非玄黃之色不中律呂之音也按書傳本作哇說文哇諂聲也刻本說詔爲諧徐鍇曰古人言淫哇之聲也蠅乃蝦蟇假爲哇

餘分閏位

後人正統閏統之說本之

敘傳

梁書劉之遴傳鄱陽王範得班固所上漢書真本獻之東宮之遴具異狀十事曰按古本漢書稱永平十六年五月二十一日己酉郎班固上而今本無上書年月日

漢書疏證卷三十六

聖

字又案古本敘傳號爲中篇今本稱爲敘傳載班彪事
行而古本云椎生彪自有傳又今本紀及表志列傳不
相合爲次而古本相合爲次總成三十八卷又今本外
戚在西域後古本外戚次帝紀下又今本高五子以下
諸王雜在諸傳秩中古本諸王悉次外戚下在陳項傳
前又今本韓彭英盧吳述云信惟餓隸布實黥徒越亦
狗盜芮尹江湖雲起龍驤化爲侯王古本述云淮陰毅
毅扶劍周章邦邦傑子實惟彭英化爲侯王雲起龍驤
又古本第三十七卷解音釋義以助雅詁而今本無此
卷

楚人謂乳穀謂虎於樺

說文穀乳也從子穀聲方言虎江淮南楚間或謂之於

彪

廣雅亦

爲於彪作樺非也玉篇樺樺棗也

王觀國學林入聲穀字無音奴口反

者于義當作穀字字書未有音樺爲徒者亦無或作菟菟文班固好借用字然此爲取義太遠按恐後來傳寫之誤

宴昵殿

蓋內殿之通名列女傳亦去蓬廬之下侍明王之燕泥泥與昵同

畫紉醉踞妲己

初學記

二十

劉向別錄曰臣向與黃門侍郎歆所校列

女傳種類相從爲七篇以著禍福榮辱之效是非得失之分畫之于屏風四堵按如言則畫紉醉踞妲己者亦嬖孽傳之一耳

長信庭林表

按十四等號無林表此蓋給事長信庭之宦者名林表漢官儀所云廬監

數遣中盾

淮南俶眞訓引楮萬物羣英萌生高誘曰楮讀允恭之允與此同

修總麻

喪服朋友麻鄭云朋友有同道之恩相爲服總之經帶

通典漢戴德云加麻三月

文致太平

何休說定六年傳云定哀之間文致太平

疏云實不太平但作太平

文而已此公羊家例漢人常用師古不知而妄說

不驕驕君之餌

六韜文師篇魚食其餌乃牽其緝人食其祿乃服于君
說文驕以鼻就臭也讀若畜牲之畜與應劭音同

學步邯鄲

莊子秋水篇壽陵餘子學于邯鄲未得國能又失其故

行直匍匐而歸耳

時民復知漢乎

漢當作秦六韜發啓太公曰取天下者若逐野獸而天下皆有分肉之心李善注引獸作鹿

么膺

郭璞爾雅注豕子最後生者俗呼爲么豚字林么小豚
隋書律歷志凡日不全爲餘積以成餘者曰秒度不全
爲分積以成分者曰蔑其有不成秒曰麼不成篋曰么

尉繚子守權篇么
麼毀瘠者并干後

考遺愍以行謠

班彪北征賦云余遭世之顛覆兮罹瑱塞之阨災

李善引流

別論曰更始時班彪避難涼州發長安至安定作北征賦也

卽此事也

悼世業之可懷

文選注作違或作悼悼亦恨也字書無悼字廣韻悼恨也龍龕于鏡悼音韋香嚴云恨也

黃神儀

淮南覽冥黃神嘯吟高謗亦云黃帝之神也呂覽勿躬篇尙儀作占月

盍孟晉以迢羣兮

孟勉釋詁文錢大昕曰洛誥汝乃是不獲孟獲聲之轉

釋文引馬融云獲勉也孔疏謂鄭王皆訓爲勉也

晦在

虞翻易注晦夾脊肉也釋文鄭云背脊肉也

說文同

龍龕

手鑑梅妹二音脊側之餘也按此晦字與腓同說文腓

婦胎孕腓兆也

廣韻孕始兆也

吹中穌

玉篇吹詮辭也

龍龕手鑑欠日二部皆有其字並云辭也

廣韻同師古以爲

古聿字非也

不葩

說文葩臬實也或作廣曹大家注約論語避人避世故

解爲避然非葩字也詩傳腓腓也釋文韓詩云變也蓋
非與弓多相亂說文腓腓腸也海外北經無啓之國郭
云膂腓腸也卽腓之變因誤安艸耳呂覽尊師篇織葩
篇治唐園考履葩音與菲
相近葩字字之誤是也
魯衛名諡於銘謠

注衛靈公掘地得石槨按見莊子則陽東以虛說文二
人爲从反从爲比此與後以德皆比字而師古誤以爲
古鄰字

養游睇而媛號兮

事見呂覽博志篇高誘注引此作養流睇

孔席不煖墨突不黔

文子曰墨子無黔突孔子無煖席亦見淮南修務

轡龍虎

說文轡目轡轡也廣雅轡轡視也字从目當如晉灼解

恒以年歲

文選作緇方言緇竟也春晉或曰緇

鉛刀皆能壹斷

韓詩外傳七陳饒謂宋燕曰鉛刀畜之而干將用之不
亦難乎晉書譙王丞謂王敦曰鉛刀豈無一割之用語

本此

鑽孝公

太玄于初一日九鑽之于內陳厲

御覽五日四十三擊
虞要注曰小會殿就

席皆鑽頭而後坐鑽伏
地也欲起亦先鑽頭

說難既首

釋詁首終也范望太玄注曰首就也應劭以爲首豪者
謬

苓落

管子宙合篇苓落也盛而不落者未之有之也

僕

文選作走服虔曰走孟堅自謂也蓋本作走字

實用刑名

釋詁寅進也玉篇寅進也方言岑寅大也鄧展以爲敬非

閻尹之諧

方言諧燿短也按朱雲事在成都師古誤以爲元帝

凶德相挺

方言挺取也高誘淮南倣寅注挺垌猶上下以求利便也此注謬

致死爲福每生作旤

方言釐梅貪也通爲每亦作梅楚詞天問穆王巧梅王

逸云梅貪也一作梅

其欲敝彼

易釋文逐逐子夏作攸攸志林云攸當爲逐蘇林音迪
荀作悠悠劉作筵云遠也說文筵音式六反按說文筵
疾也長也玉篇疾也徐鍇以爲倏忽字今此攸字與蘇林同
音蓋攸字變加水

敝近其衷

按云敝仕王莽世與梅福同路不屈者一龍一豬之異
乃云敝近中行其是非謬乎聖人之旨矣

長倩慎慎

說文𡈼趨步悲𡈼玉篇余呂切又以諸切謹敬兒

見蹟石許

五行志爲佞臣石顯許章等所譖

樂安𡈼𡈼

按𡈼乃衣袂于字當作𡈼淮南主術注𡈼大也禮記禮器正義𡈼崇高之稱也

攸攸外寓

寓當爲寓攸與易釋文𡈼字義同或同悠

娒娒公主

說文娒美女也或作𡈼孟康所引爾雅釋訓今作娒娒

疏云李巡曰和適之愛也釋訓又云媿媿安也孫炎云
行步之安也字爲媿不作娒師古後說非是

漢書疏證卷三十六

浙江書局刊

鄒在寅校

王家賢校

吳鴻望校